



Concello de Vigo

YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 23 de setembro de 2022**, adoptou o seguinte acordo:

4.- EXPEDIENTE DE CONTRATACIÓN DA SUBMINISTRACIÓN DE CADEIRAS PARA A SALA DE ESTUDOS DO EDIFICIO DO AUDITORIO PAZO DE CONGRESOS “MAR DE VIGO”. EXPTE. 25987/332.

Visto o informe xurídico de data 05/09/2022 e o informe de fiscalización do 12/09/2022, dáse conta do informe-proposta de data 02/09/2022, asinado pola xefa do Servizo de Educación, o concelleiro-delegado de Área e polo concelleiro-delegado de Orzamentos e Facenda, que di o seguinte:

Con data 18 de maio de 2022, o concelleiro delegado de Educación resolveu “Iniciar o expediente administrativo para a contratación da subministración de cadeiras para a Sala de Estudos do edificio do Auditorio Pazo de Congressos Mar de Vigo (avenida Beiramar)”.

No expediente tramitado ao efecto consta a seguinte documentación:

- Informe xustificativo da necesidade da contratación asinado pola xefa do Servizo de Educación en data 18/05/2022.
- Resolución do concelleiro de Educación de 18/05/2022, pola que se autoriza o inicio do expediente de contratación.
- Memoria Económica, redactada polo Servizo de Educación en data 07/06/2022 e conformada polo concelleiro de Educación en data 08/06/2022.
- Documento económico de certificado de créditos (RC 202200057287), de 08/06/2022.
- Declaración dos redactores do Prego técnico, do 09/06/2022.
- Prego de prescricións técnicas (PPT) de data 09/06/2022 redactado polo Servizo de Educación e anexos.
- Memoria Xustificativa de data 31/08/2022, redactada polo Servizo de Educación.
- Informe de data 31/08/2022 do Servizo de Contratación, sobre a comprobación da documentación esixida pola normativa de contratación pública.
- Prego de cláusulas administrativas particulares (PCAP) de data 31/08/2022, redactado polo Servizo de Contratación.

As características básicas do contrato, tal e como se indica na documentación que conforma o expediente, son as seguintes:

Obxecto: A adquisición de catrocentas cadeiras para a Sala de Estudos situada no edificio do Auditorio Pazo de Congressos “Mar de Vigo”, coas características que se indican no Prego de Prescricións Técnicas Particulares (PPTP). A subministración de cadeiras incluírá a entrega, debendo quedar totalmente instaladas e preparadas para o seu uso.

Duración: 4 (catro) meses a partir da formalización do contrato; non se contemplan prórrogas.

Prezo: O prezo do contrato estímase en 44.198,88 euros (36.528,00 euros máis 7.670,88 euros en concepto de IVE a soportar pola administración).

Aplicación orzamentaria: 3231.625.0000 “Mobiliario e dotacións” e bolsa de vinculación.

A competencia para a resolución do presente expediente correspóndelle á Xunta de Goberno Local, na súa calidade de órgano de contratación, conforme ao previsto na Disposición adicional segunda parágrafo 4º da Lei 9/2017, de 8 de novembro, de contratos do sector público (LCSP). A resolución, segundo o artigo 117 da LCSP, deberá ser motivada e aprobará o expediente de contratación e disporá a apertura do procedemento de adxudicación e implicará a aprobación do gasto.

A vista das anteriores circunstancias, e previo informes da Asesoría Xurídica e da Intervención Xeral, propónse á Xunta de Goberno Local como órgano de contratación, en uso das facultades que lle confire a lexislación vixente, a adopción dos seguintes acordos:

“1º.- Aprobar a contratación a través de procedemento aberto simplificado abreviado da subministración de cadeiras para a Sala de Estudos do edificio do Auditorio Pazo de Congresos Mar de Vigo (avenida Beiramar)”.

2º.- Aprobar o Prego de prescricións técnicas (e anexos) de 09/06/2022 redactado polo Servizo de Educación, e o Prego de cláusulas administrativas particulares de data 31/08/2022 redactado polo Servizo de Contratación, que se inclúen no presente expediente, para esta contratación.

3º.- Aprobar o gasto por importe total de 44.198,88 euros IVE incluído, para a contratación da subministración de cadeiras para a Sala de Estudos do edificio do Auditorio Pazo de Congresos Mar de Vigo (avenida Beiramar), con cargo á aplicacións orzamentarias 3231.625.0000 (Mobiliario e dotacións) e bolsa de vinculación do vixente exercicio orzamentario do Servizo de Educación.

O valor estimado do contrato estipúlase en 36.528,00 euros.

4º.- Acordar a apertura do procedemento de contratación conforme ao previsto na lexislación vixente.”

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

EAS/me.

V. e Pr.
O ALCALDE,
Abel Caballero Álvarez.